


3770

3771

Teol. 3772



311307-311309

II St. Druki

X. 2. 33.

u. XI. 6. 4.



REFUTATIO
DISPUTATIONIS
DE SPIRITU SANCTO,

Quæ hoc anno in Academia Ienensi habita
est, præside Alberto Gravero, Theologiæ
ibidem Doctore & professore,

scripta

^a
VALENTINO SMALCIO Gothano.



RACOVIAE,
Anno 1613.

311309

I St. Dr

REFUTATIO DISPUTATIONIS
de Spiritu sancto, quæ hoc anno 1613. 20. Februarii
in Academia Jenensi habita est, præside Alberto
Gravero, Theologiae ibidem Doctore &
Professore.

P R A E F A T I U N C U L A.

M I S S A sunt ad nos a viro quodam primario ex Germania non ita pridem Theses, quibus sententia nostra de Spiritu sancto impugnatur; & simul rogatum fuit, quemadmodum nobilis quidam adolescentis ad nos perscripsit, ut adversus ista, que tum Graverus tum alii inexpugnabilia esse putant, aliquid a nostris scriberetur. Quanquam vero tot hactenus editi sunt a nostris libri, quibus omnia adversariorum hac de re argumenta dissoluta sunt, nolui tamen veritati oppugnata iterum deesse, & in gratiam popularium meorum hunc quantulumcunq; laborem, ante quam animadversiores meæ in Theses Wolfgangi Frantzii Doctoris Academie Witembergensis, quas 24. disputationibus absolvit, jam pridem confessæ prodeant, libens in me recepi, sperans fore, ut veritas, quanto magis oppugnatur, tanto rectius omnium sese oculis & mentibus insinet. Itaq; rectâ ad ipsas theses refutandas accedo.

i. Thesis est.

Deum esse unum in essentiâ & trinum in personis pñt̄s seu ad litteram probari non posse ex sacris Scripturis lubenter concessimus: interim tamen per bonam consequentiam ex iisdem firmiter demonstrari posse asseruimus.

HIC candorem Graveri non possumus non vehementer probare. Rari enim sunt, qui id concedant, quod tamen concedendum esse non pauci viri docti animadverterunt. Nam & Pontificii sunt quorum alii Trinitatem ideo se credere ajunt, nō quod scriptura dicat, sed quid non contradicat; alii verò eam sine traditionibus & Ecclesiæ auctoritate defendi non posse fatentur: & adversus Evangelicos, qui solo verbo Dei omnia in religione expediri posse credunt, gloriantur. Nos verò dum ista audimus, ingentes Deo gratias agimus, jam enim constat ipsorum adversariorum testimonio, quo nullum validius esse potest, dogma hoc nec ad salutem necessarium, nec verum etiam esse. Quomodo enim ad salutem necessarium esse id dici potest, r̄um est.

A 2

Hosius Cardina-
lis.
Vujekus Iesuita.
Dogma Trini-
tatis nec nece-
sarium ad sa-
lutem, nec ve-

potest, quod tantū per consequentias ex S. literis demonstratur? Cum certum sit, eum in finem potissimum conscriptas esse sacras literas, ut quid necessarium sit ad salutem, omnibus & singulis expresse constaret; & nihil prorsus dari posse, quod ad salutem necessarium sit, quod in sacris literis non contineatur ἐντῶς & ad literam, vel hinc constat, quod omnes vulgares & simplices teneantur ea intelligere & credere, quæ ad salutem sunt necessaria. Consequentias autem capere non cuius datum esse, sana docet ratio & experientia. Quomodo etiam verū, in Theologia scilicet, esse potest, quod ex solo Dei verbo absq; ecclesie traditionibus probari nequit; præsertim, si pro verbo Dei ea etiam admittantur, quæ ex illo legitimè deduci possunt, quod nos planè confitemur. Cum omnia quæ ad religionem verè pertineant, non nisi in sacris literis consignata sint, & vix sententiae alicujus falsitatis majus argumentum esse possit, quam si ex solo verbo Dei probari nequeat. Unde porrò constare potest Gravero, & omnibus qui cum illo consentiunt, quām graviter errant, qui dogma trinitatis pro fundamento quodam Christianæ religionis habent, imo etiam peccent, qui nos, qui illud rejicimus, cane pejus & angue oderunt, & vitâ etiam indignos existimant, quia id non fateantur, quod ἐντῶς ex sacris literis probari nequit. Fundamentum religionis in libro, in quo religio illa describitur, non contineri expresse & ἐντῶς dicere, est librum istum suspectum apud perspicaces reddere. Cur enim non potius fundamentum expresse de scriptum in illo extet, quām multa alia, quæ fundamentum ejus non sunt? Odiſſe autem aliquem, qui omnia credat, quæ ad literam sunt scripta in sacra scriptura, quomodo quæ so cum sana ratione, quomodo cum Christiana charitate convenit? In sacra scriptura ἐντῶς extat esse Deum Patrem, Filium, & Spiritum sanctum. Hoc quicunque credit, is nullo modo a Christi Ecclesia rejiciendus est, si modò alias sententias non sequatur, quæ fidem in Christum & veram pietatem tollant. Et hoc quidem faciendum esset, etiam si optimæ essent consequentiae, ex quibus probari posset, Trinitas personarum in una numero essentia Dei. Iam verò, si consequentiae, quæ illud suadeant, nullæ sint, constare potest, quām procul a veritatis tramite deviārint illi, qui nomen sibi Christianum, ob hoc potissimum vendicant, quod istam in una essentia personarum pluralitatem credunt: alios verò, qui cur id non credant, rationes ex ipsis sacris literis, & sana ratione tales afferunt, quæ hactenus a nemine solidè refutatae sint, interim verò Patrem, Filium & spiritum sanctum confitentur, & doctrinam de illis tribus ad salutem necessariam esse contendunt, nomine Christiano indignos esse censem. Quia in re ut tandem omnes resiplicant, Deum precamur. Interim bona ani-

Trinitas non est
fundamentum re-
ligionis.

Quis pro Chri-
stiano habendus.

Error gravis
Christianorum.

nā animi conscientiā nos metiplos solabitur , argumenta verò quibus istud dogma comprobari posse autemant adversarii , pro virili refutare conabimur.

Quod ad bonam consequentiam Graveri attinet, quæ est : Non solum pater sed etiam filius & spiritus sanctus Deus appellantur. Ergo cū tantum unus Deus sit , sequitur illum esse unum essentia , trinum personis. Respondemus directè , antecedens tum falso tum ambiguum esse. Falso enim est , spiritum sanctum usquam Deum appellari in sacris literis. Ambiguum est , quod Christus Deus appelleatur , licet enim hoc concedatur , hinc tamen non sequitur , eum esse æternum vel summum illum Deum , quod in quæstione est. Et hoc quidem alibi a nobis demonstratum est fusissime , & omnia ea refutata , quæ cunque ab aduersariis afferri potuerunt. Nunc , quomodo Graverus , spiritum sanctum Deum æternum probet videamus accurate. Omittimus autem illa , quæ thesi sexta scribit Graverus ; nempe quæ sit nostrarum ecclesiarum de certis religionis Christianæ particulis sententia , hoc enim ad rem nihil facit. Hoc unum addam , Graverum injuria hoc ægrè ferre , quod nostri libri in Germania alicubi reperiantur. Hac enim ratione causæ suæ disfidere videtur , quæ scilicet consistere nequeat , nisi omnes libri , quibus , contraria sententia defenditur , exterminentur. Quæ certè nova papalis Tyrannis est , quâ eos , qui se à papa liberos esse gloriantur delectari dolendum in primis est. Nos vero dolemus tām serō & raro libros aliorum ad nos pervenire , & nihil dubitamus , quin hæc , quam profitemur veritas multò sit futura & nostris hominibus , acceptior , & aliis commendator , si , quæ aduersus eam prodeunt , Lutheranorum & aliorum scripta , legantur. Amat enim veritas lucem , & quò magis teritur , tanto magis odorem emittit & nescit. Illud mirari subit , quare ad marginē thesis 7. quâ in primis notandum esse ait , quod ad solam scripturam provocemus , ex eaque controversias dijudicari velimus : addiderit hæc verba , Photinianorum fucus , Ergo & Lutheranorum fucus est , qui ad solas sacras literas provocant , ex eaque controversias dijudicari volunt ; nisi fortassis nos aliunde controversias dijudicari velle probet , quod nunquam faciet. Cæperam aliquid de Gravero magis sobrium quā de aliis Lutheranæ sectæ hominibus , sperate , sed nimis citò spe mea dejectus sum. Nec videre etiam possum , quo fine literarum mearum , ante annos 20. hoc est , post ipsum meum in Poloniā aduentum , ad Theologum quendam istarum regionum datarum , meminerit. Nam quorum causā allatæ esse videntur ea omnium ecclesiarum , quæ a patru defecerunt , communia esse censenda sunt. Quæ verò verba ex literis illis meis a Gravero citantur , Nempe , si non responderis , respondere

te non potuisse putare vero, ea isto potissimum fine addita fuisse putō, nec enim literarum istarum autographum habeo, ut aliquam tandem ab illis, qui me ob religionem tum mutatam publicè damnare non dubitabant, respositionem extorquerem, quod tamen irritū fuit. Nam ad hoc usque tempus nihil ab illis omnibus literarum accepi, quod cur factum sit, miror. Id enim illius gentis scribendi Cacoëthes est, is controvertendi pruritus, ut cum nulla est ad eam rem occasio, anxiè etiam inquirere eam soleant. Nec porrò ad alias theses est quod respondeamus, quibus Spiritum sanctum creaturam non esse, affirmat & probat Graverus. In hoc enim unā cum illo facimus. Ad ipsam controversiani accedimus quæ est, *An spiritus sanctus ita sit Deus aeternus ut sit distincta persona a patre*, addo etiam a filio. Antequam verò ad ipsa argumenta Graveri accedemus, hoc monendum esse duximus, quod præpostere agat Graverus, qui priùs docere annitatur, Spiritum sanctum appellari Deum, quām doceat eum esse personam. Nam si constet Spiritum sanctum esse personam, jam necessariò etiam constaret, eum esse Deum: at non contra, etiam si constaret Spiritum sanctum appellari Deum, constaret, eum esse personam. Cum certo loquendi modo concedi possit, possit spiritu s. Spiritum sanctum appellari Deum, quo scilicet omnia, quæ in Deo sunt naturaliter, Deus esse dici solent. At nullo loquendi modo dici potest, Spiritum sanctum esse personam nisi omnia quæ in Deo insunt, personas a Deo distinctas esse dicere velimus. Sed sequamur Graverum. Is igitur, postquam liberaliter promisisset, se probaturum, Spiritum sanctum Deum in sacris literis appellari, sic promisso stat *thesi 15.* quæ talis est.

Quod expressè Deus appelletur probatur evidentissimè ex Act: 5. v. 3. & 4. Thesi 16. Hic clare videmus eum, qui v. 3. Spiritus sanctus appellatur v. 4. expressè Deum dici. Appello hic tuum, lector candide, judicium. Argumento & Syllogismo ad ostendendum, quod Spiritus sanctus Deus appellatur, utitur in sequentibus thesibus Graverus, eoque ut ipse met ait, longè aliter reformato, quām alii id ante eum formârint. Quomodo igitur jure dicere potest, Spiritum sanctum expressè Deum appellari in sacris literis, nos verò admirari qui id negemus. Nam si expressè Deus appellaretur Spiritus sanctus quid argumento ad eam rem opus esset? Argumento quia opus est, expressè id alicubi dici, prorsus falsum est. Nam si expressè alicubi scriptum id extare censendum esset, oportet talem locum adduci, in quo diceretur, Spiritus sanctus est Deus: Quemadmodum cum de Christo legitur, Sermo erat Deus, vel is, qui ex patribus oriundus est, est Deus, expressè de Christo scriptū esse confitemur, quid sit Deus. An verò, quia Deus expressè appellatus est,

Graverus prepositer agit.

Quomodo dici possit spiritu s. Spiritum sanctum appellari Deum, nisi Deum.

Lapsus Graveri

tus est, Deus ille unus sit, alia deinde nascitur quæstio & controversia.
Hic quidem error in alio levis censendus esset: sed in Doctore Theologo,
qui alios in errore versantes erudire sibi proposuit, vix est tolerandus. Nunc verò syllogismum ejusdem reformatum videamus. Is
autem talis est, thesi 23.

Alia igitur forma adferenda, quæ hæc erit: Cuicunque tum temporis
præter Apostolos mentitus fuit Ananias, is fuit Deus: Atqui Ananias tum
temporis præter Apostolos mentitus est spiritui sancto. Ergo spiritus san-
ctus est Deus. Vt ut Syllogismum hunc reformârit Graverus, tamen,
quia vitiosa prorsus materia illius est, fallacia illius & falsitas tegi non
potuit Neganda enim est tum maior tum minor. Instituit quidem Gra-
verus probationem majoris, quæ qualis sit, mox vide bimus: Sed inter-
im mirum est, cum de Minoris falsitate vel saltem incertitudine non
cogitasse; cum nec verba, quibus Minorem Graverus concepit, in tex-
tu habeantur, nec ex illis, quæ ibi habentur elici ea possit. Si dicat Gra-
verus eam haberi v. 3. in iis verbis, Cur implevit satanas cor tuum, ut
mentieris spiritui sancto, & interverteres de pretio prædii, aliud hoc
else deprehendet, si verba græca inspicerit. Non est enim casus tertius
dandi, ut habeat latina versio quo v. 4. utitur Lucas, dum ait, οὐτε λέγω
αὐτῷ πώποις ἀλλὰ τῷ δεῶ, sed quartus, accusandi scilicet, Φένσαδαι σε
τὸν νευματὸν γειν, quæ verba converti debent, ut mentieris spiritu
sanctum, sensum autem longè alium præbent, quam ea que v. 4. legun-
tur. Is enim Spiritum sanctum mentiri dici potest, qui præfert. Quid sit Mentiri
se habere Spiritum sanctum, cum tamen ipse sciat, haud ita rem se ha-
bere. Nec necesse est, ut postea de Anania, quod personis mentitus sit,
dicatur, sic etiam antea personæ mentitus dicatur. Egregiè enim ex
eo, quod Spiritum sanctum mentitus erat Ananias, per quandam anta-
naclasin inferri potuit, Eum dum istam simulationem & fraudem ani-
mo concepit, non hominibus, qui erant Apostoli, solis imposuisse vel
imponere voluisse, sed ipsi Deo, qui scilicet in Apostolis tunc erat.
Quomodo etiā alibi dicitur. Qui rejicit (scilicet Dei voluntatem) non

Negligentia
Graveri.

De loco Ad. 5.

Quid sit Mentiri
spiritum sanctum.

Thes. 4. 8.

Sed nunc videamus probationem Majoris. Sic igitur ait, Thes. 24.
Ratio Majoris est in promptu: Ananias suum scelus se facile occultaturum
esperabat, si quidem sibi cum solis Apostolis tanquam nudis hominibus ne-
gotium esse opinabatur. Petrus autem respondet, Ananiam non Apostolis
duntaxat; sed ipsi spiritui sancto mentitum fuisse: ac ne rursus quis puta-
ret, per spiritum s. intelligi dona spiritus sanctificanlia, quæ fuerunt in
Apostolis,

Apostolis, pergit Apostolus afferendo, Ananiam non hominibus, sed ipsi Deo mentitum fuisse. Quoniam itaque Apostolus non solum expressè negat eum, cui præter Apostolos mentitus fuit Ananias, fuisse hominem; sed etiam clare pronunciat, eum fuisse Deum, & nemo ex textu proferri potest, cui præter Apostolos fuerit mentitus, nisi Spiritus sanctus, necessariò sequitur, eum, cui Ananias tum temporis præter Apostolos fuit mentitus, fuisse Deum. Ex quibus certitudo Majoris propositionis appareat. Verborum satis, rerum parum; nec facile aliquis Syllogismum ex ista thesi confecerit, nec denique vim ejus percipiet. Nititur autem falsa loci explicatione, dum sumitur, Ananiam non Apostolis duntaxat, sed etiam Spiritui sancto mentitum fuisse, quod, aliter se habere, iam ostendimus. Deinde dato eo, quod Ananias mentitus sit non tantum Apostolis, sed etiam Spiritui S., quomodo hinc consequi dici potest, Spiritum sanctum esse Deum? Num ideo, quod, postquam semel dictum fuisset, eum mentitum esse Spiritui sancto, iterum deinde dicitur, eum mentitum esse Deo? At hinc tantum id sequitur, Ananiam mentitum esse tum Deo tum Spiritui sancto, non autem ullo modo, quod vult Graverus, eum, cui præter Apostolos mentitus sit Ananias, esse Deum. Quomodo verò utrique mentitus sit, investigandum porrò relinquitur. Mentitus est Spiritui sancto, quatenus Apostolis mentitus est, in quibus Spiritus ille degebatur: Mentitus est Deo, quatenus is Spiritus qui in Apostolis degebatur, non quidem Deus, sed Dei erat, & ita Apostoli non nudi homines sed divini erant. Atque ita apparet, non satis rectè dici, Ananiam præter Apostolos Spiritui sancto mentitum esse. Apostolis enim mentiens mentitus est Spiritui sancto. Is verò, cui præter Apostolos mentitus fuit, propriè loquendo est Deus ille unus, spiritus ictius scilicet autor & dator. Et hactenus primum Graveri argumentum.

Sed & alio pacto argumentatur Graverus Thesi 25. Quicunque locutus est per os Davidis & aliorum Prophetarum, is est verus & aeternus Deus. Atqui Spiritus sanctus locutus est per os Davidis & aliorum

Vit. sicut argu-
menti Graveri-
ans.

Prophetarum. Ergo Spiritus sanctus est verus & aeternus Deus. Major & ineptè concepta & falsa est; Nec ex locis citatis probatur. Nam in illis tantum dicitur, quod is qui per os Davidis & Prophetarum locutus est, sit Deus ille aeternus, vel potius tantum dicitur, quod Deus aeternus sit locutus per os Prophetarum. At non dicitur, quod, quicunque locutus est per os Prophetarum, sit Deus aeternus. Probatio Minoris ex Petro allata, pariter etiam falsa est. Nec enim dicit Petrus, Spiritum sanctum per os Prophetarum locutum esse. Sed ait Prophetas, a Spiritu S. actos, locutos esse. Potest autem aliquis loqui, actus a Spiritu S., etiam si ipse Spiritus S., a quo agitur, propriè non loquatur. Alia igitur firma-
menta

9

menta huic argumento addenda essent, si modo addi possunt. Iam enim statuendum est, Graverum & optima argumenta & optimè firma-
ta produxisse, quandoquidem ad publicam nobiscum pugnam descen-
dere cogitavit. Sensus autem horum & aliorum locorum est: Quod
jam de Deo dicitur, eum locutum esse per os Prophetarum: jam de
Spiritu sancto, Non quòd Spiritus sanctus sit ille Deus, sed quia est illi-
us Dei Spiritus, & quandocunque per id, quod Dei est, aliquid fieri dici-
tur, jure id a Deo fieri dici potest. De Deo propriè, de eo quod Dei est,
figuratè.

His duobus argumentis propositis Graverus, satis illis puerilibus, ad
nostrorum exceptiones responsionem parat. Et primùm quidem me-
minit Gratiani Prospere, qui utrumq; hunc syllogismum Graveri Elen-
chum Amphibologiae continere ait. Mentiri Deo & Spiritui sancto ait
significare, Mentiri Deo qui per spiritum suum locutus est (vel potius
qui habitabat) in Petro, adducto loco ex i Thess. 4. quem etiam nos an-
te adduxeramus. Ad hoc verò dupliciter respondet Graverus. Pri-
mum ait Thesi 27. Non nos Elenchum Amphibologiae; sed ipse aduersarius
Elenchum ἐποίητος committit; hac vice nondum queritur, cur &
quomodo Spiritus sanctus dicitur Deus, sed an expressè in scripturis De-
us appelleatur, quod cum ostensum sit, subsistunt Syllogismi nostri. At pri-
mum parum est dicere nudè, si accuseris commissi Elenchi, te illum
non commisso, sed ostendendum erat, Elenchum istum non esse in
ista argumentatione tua. Hoc nisi fiat, te id vel præstare non potuisse
vel noluisse, suspicio manebit, quorum utrumque in eo, qui alias do-
cendi provinciam sibi sumit, vehementer culpandum est. Deinde dum
fallaciam ἐποίητος aduersario obijcit Graverus, ipse met gravi-
us quid quam fallaciam designavit. Putavit enim concedi sibi ab aduer-
sario, Spiritum sanctum Deum dici, interim rationes ab eo afferri, cur
& quomodo sit Deus: Cum tamen aduersarius non doceat, cur Spiritus
sanctus dicitur Deus, sed cur is, qui mentitur Spiritui sancto, dici
possit mentiri Deo, tacitè negans Spiritum S. esse Deum. An verò o-
stensum sit a Gravero Syllogismis superioribus Spiritum S. Deum es-
se, judicabant eruditì.

Lapsus Graveri.

Deinde respondet hoc modo Thesi 28. Deinde in suâ explicati-
one committit Elenchum petitionis principii: nos enim literam secuti ne-
gamus verba Petri sic exponenda: sed contendimus, mentiri spiritui,
& mentiri Deo, hic efficere, quòd Spiritus sanctus sit ipse Deus: nec
Paulus quicquam aduersarium juvat, siquidem per Spiritum sanctum
in verbis Pauli dona Spiritus sancti intelliguntur: in verbis autem Pe-
tri dona Spiritus sancti non posse intelligi superiorius ostendimus. Mani-
festum

festum itaque in verbis Pauli intelligi Deum Patrem, ut taceam eiusmodi oppositionem & exclusionem in verbis Pauli non legi, qualis est in verbis Petri. An explicatio, quam contendit Graverus esse verborum Petri: Non hominibus sed Deo mentitus es, junctorum cum illis, quibus creditur dici. Ananiam mentitum esse Spiritui sancto efficiat, spiritum S. esse Deum, ex iis quæ suprà dicta sunt, judicium faciat lector. Nunc dico, admodum similia esse verba Pauli verbis Petri, quatenus scilicet ostenditur, dici posse, tunc aliquè mentiri non hominibus sed Deo, cù mentitur hominibus divino spiritu præditis, que madmodum dicitur, illum spernere non homines, sed Deum, qui spernit homines divino Spiritu præditos. Idem autē esse in verbis Petri, Mentiri spiritui S. si ita legatur ut vulgo, quod mentiri hominib⁹ divinis vel spiritu divino præditis, & per se constat, & suprà etiā indicatū est. Quid est autē, quòd ait Graver⁹ eiusmodi oppositionem & exclusionem in verbis Pauli non legi, qualis est in verbis Petri? Oppositio enim in verbis Petri & exclusio quænam esse potest, præter hanc, non hominibus sed Deo. At hæc eadem habentur in Pauli verbis: Qui spernit, non homines spernit sed Deum.

Porrò postquā dixisset nos ita etiam ad argumenta sua respondere, quòd Spiritui S. talia, qualia Graverus recenset, & alia cōplura tribuantur, non quòd sit De⁹ persona a patre distincta, sed quod sit virtus & effigacia Dei, respondet ille thesi 30. Se hoc nō negare, sed ita ut simul sit Dominus & De⁹. At non animaduerit Graverus, se dū non negat, virtutē Dei esse spiritū S., negare tacitè, illum esse Dominum & Deum. Quomodo enim is Deus ipse esse potest vel Dominus, qui Dei vel Domini virtus est? Sed audiamus quo modo doceat Graverus spiritum S. esse Dominum & Deum. Prætermis locis reliquis adducit locum unicum

1 Cor. 12, 4, 5, 6, Vbi nos interrogat, quid per Dominum intelligamus, &

Sub voce Domi quid, si Deum patrem intelligamus, responsurus sit, ascribit. Sed temen-nus plerumque rē & frustra. Nos enim voce Domini, Christum intelligi, ut alibi ferè ubique, sic etiam in hoc loco affirmamus. Christus enim est unus Dominus noster sub novo Fædere.

¶ Cor. 8, 6.

Christus intelligitur sub novo Fædere. Quanquam id, quòd si per Dominum, Deum patrem intelligamus, infert Graverus, ineptissimè infertur. Ait enim, si dixerint Deum ipsum intelligi, ego hinc colligo, etiam spiritum S. Dominum hic & Deum appellari. Quicunque autem & Dominus & Deus appellatur, is non est proprietas essentialis duntaxat sed persona substans, siquidem nullibi scriptum legimus, vel de bonitate vel iustitia Dei, quòd sit Dominus. Facile est & liberum dicere Ego colligo, at quo jure id fiat vel fieri possit, docendū erat. Quæ verò vel similitudo rationis consequitæ: Dominus apud Paulum significat Deum ipsum, Ergo hinc colligitur, spiritum sanctum Dominum & Deum appellari? Videat igitur

Igitur Graverus, qualis sit disputator: Videat etiam cordatus lector, quo jure dicat, *Hoc Socinus si perpendisset, suam dissimilem similitudinem de principe seu divite viro, varia pereandem liberalitatem donante, nobis non opposuisset.* Habuisset (si Deo placet) Socinus quod perpendret, & quod eum ab ista sua similitudine deterret. Me verò istarum pudet ~~et~~ Moyis ~~et~~ argumentationum.

Sed si per Deum intelligatur Christus, querit ex nobis. Thesi. 32. Graverus, *Cur Dominus ut persona peculiaris a Deo patre hic distinguitur, & non simul spiritus operans?* Responsio facilis est; *Quia is, qui Dominus est, persona est, ideo ut persona a patre distinguitur: spiritus vero sanctus, quia persona non est, ideo etiam non ut persona distinguitur.* Rudebit fortasse vel indignabitur Graverus, dum hoc leget: *Sed iterum se recolliget credo, si considerabit, ad talē interrogationem responsionem aliam dari non potuisse.* Quam vana etiam & puerilis sit gloriatio Graveri, dum ait: *Quoquomodo aduersarii hunc locum interpretentur (priorem tamen ut plurimum retinent) non parum nostra sententia stabilitur, verbis vix exprimi potest.* Estne aliqua verisimilitudo in eo, quod, si per vocē Dominus, vel Deus vel Christus intelligatur, hinc stabilietur sententia ea, quod Spiritus S. sit Dominus & Deus? Scopz sunt dissolutæ omnia, & digna exsibilatione potius quam refutatione.

Illud autem unde habet Graverus, quod priorem modum ut plurimum retineamus, hoc est, quod per dominum, Deum ipsum intelligamus. Exponat locum, nisi falsum dixisse censeri velit; ego enim nūquam id a quoquam nostrum dictum esse persuasum habeo: vel si aliquis unquam fuit, qui id de patre intelligeret, falsum tamen manebit, nos ut plurimum priorem modum retinere. Tyronem se agnoscat Graverus in controversiis cum nostris cæribus agitandis, quas hactenus alii, quibus cum vivimus, multò accuratius tractârunt, & tamen nihil profecerunt nec proficere poterunt. Vinci enim veritas nescit.

Sed ulterius sententiam suam ostendere conatur Graverus. Ait igitur Thesi 33. *Spiritum sanctum non solum in actionibus, a Deo Patre ut proprietatem essentialē, sicuti Socinus, loco allegato, contendit: sed tanquam distinctam & subsistentem personam hinc evidentissime appetet: quia Matth. 28. v. 19. distinguitur a Patre & Filio, tanquam tertius.* Vbi priusquam respondeamus, monendus est lector, Graverum, pro eo, quod docere debet ulterius, Spiritum sanctum esse Dominum & Deum, Hoc enim thesi 32. proposuerat his verbis, quod ulterius sic ostendo, jam aliam thesin proponere, nempe Spiritum sanctum esse distinctam & subsistentem personam. Quod Gravero præfandum erat nos mihi, ut lectori consulueretur. Nunc autem nego, quod Spiritus

*Interrogatio
Graveri ridicula.*

Gloriatio Graveri vana.

Cadillatio Graveri.

Spiritus sanctus sanctus distinguitur Matth. 28, a patre & filio ut tertius, potest enim distingui ab illis ut tertium quiddam; quemadmodum alibi, quando u-

Patre & filio ut nā cum Deo, sermo gratiæ illius conjungitur, vel cum Christo, vis re-

tertium quid.

Act. 20. 32. surrectionis illius, aut cum Domino, potentia virtutis illius, sermo gra-

Phil. 3. 10. tia Dei, & vis resurrectionis Christi, vel potentia virtutis Domini, non

Eph. 6. 10. distinguitur, ut alter a Deo, Christo & Domino, sed ut alterum.

Ait Graverus, thesi 34. nos in Catechesi majori respondere, *Spiri-*
tus sancti idcirco peculiarem mentionem fieri, propriea quod sermo sit de
ejusmodi rebus, quæ fideles concernunt, quasque tantum per spiritum san-
ctum & per nullam aliam potentiam efficiat. Sed notanda primum est
magna Graveri negligentia. Hæc enim, quæ hic ascripsit, non haben-

Negligentia in-
genus Graveri. tur in Catechesi nostra allata ad locum Matth. 28., ex quo Graverus ar-

gumentari cœpit, sed ad locum 1. Cor: 12. ubi scilicet separatum spiritus
sancti tanquam operantis, a Patre & Filio fit mentio. Quæ nostra re-
sponsio non ita quadrat ad locum Matth. 28. Ibi enim nullius operatio-
nis spiritus sancti fit mentio, sed tantum baptismi in illum, qui bapti-
fimus in spiritum sanctum, si explicandus sit, longè alium requireret
sensem, atque is est, quem hic ascripsit super locum 1. Cor: 12. Graver-

Graverus verba
& sensum no-
strum mutat. rus. Deinde vero verba nostra & sensum immutat Graverus. Nos di-
cimus spiritus sancti mentionem separatum fieri, quod de ejusmodi
rebus 1. Cor: 12. agatur, quæ ad solos credentes pertinent, quas Deus
non alia virtute sua, quam per spiritum sanctum operetur, de unius ge-
neris rebus agi affirmantes, nempe de iis, quæ ad solos credentes per-
tinente, quas Deus non alia virtute sua quam per spiritum sanctum effi-
ciat: Graverus vero, addita ad vocem *Quas*, particula *que*, ita nos lo-
quentes facit, ac si de duplicitis generis rebus loquamus. Nempe & de iis,
quæ solos fideles concernunt, & de iis quas Deus per nullam aliam
virtutem, quam per spiritum sanctum operatur. Taceo, quod omessa
voce Deus, in recitanda nostra explicatione, sensum prorsus obscura-
vit. Hæc etsi levia sint, non debuisse tamen a Doctore Theologo com-
mitti, quivis confitebitur, qui quanta cum diligentia & fidelitate res sa-
cra tractari debeant, intelligit.

Inepia responsio
Graveri. Porro in hac responsione nostra principium peti ait Graverus. Hoc vero quomodo verum esse potest, si ad propositum locum ver-
ba hæc non faciant? Et ut maxime facerent, ineptissime tamen hoc di-
ciceretur a Gravero. Nos enim, dum aliquid de loco quodam dicimus,
sententiam tantum dicimus, quam liberum est non admittere, nec tunc
disputandi legibus astricti sumus. Hæc enim tunc demum observande
sunt, cum quis vel ipse met argumentatur & aliquid objicit, vel cum ar-
gumenta aliorum refellit. Qui vero locum etiam explicat, is jam di-
sputatoris

Quando leges
disputandi ob-
servanda.

sputatoris personam deponit, & præter id, quod debebat, addit aliquid, quod ad erudiendum lectorem facere possit. Quod licere tunc, cum Catecheses scribuntur, omnes, puto, intelligunt. Ostendat Graverus, Quando principios tunc, cum vel argumentamur, vel refutamus aliquid, principium pium peratur. petere, si jure nos ita accusare velit: non tunc verò dicat, id nos facere, cum refutatis adversariorum argumentis, quæ ex certis locis ne-
stunt, locorum etiam explicationem ex mente nostra, addimus, nec dicat nos id nulla verisimili ratione probare, quod dicimus. Hoc enim ut faciamus, nihil nos cogit. Etiam si enim tandem falsum sit, quod de lo-
ci alicujus sensu dicimus: tamen propterea verum non esset, quod ex loco illo deducitur ab adversario.

Sed iterum sic contrà argumentatur Graverus thesi 35. *Vt Filius hic à Patre distinguitur, ita & Spiritus sanctus. Sed Filius ut Persona. Ergo etiam spiritus sanctus.* Probet majorē dominus Doctor. *Vt c-
enim personæ diversæ, & res cum personis conjunguntur, quod paulo
ante docuimus; ita etiam diverso modo personas a personis, & res a
personis distingui posse sana docet ratio.*

Sed contrahit rem Graverus, sic enim ait thesi 36. *Et quid multis?*
*Spiritus sanctus Matth: 3. v: 16. peculiariter & alia ratione, quæna Pa-
ter revelatur in Baptismo Christi, ita ut de spiritu sancto dicere queam, il-
lum in specie columbae descendisse, de Patre vero cum scripturâ id asserere
non possum. Sed hinc nec Deum, nec personam esse spiritum sanctum
concludi potest. Nec enim (ut hic ea repetam, quæ alibi a nostris scri-
pta sunt) verba illa *sicut columbam* ad ipsius rei essentiam referri neces-
se est, ut scilicet hinc inferre liceat, sicut columba est res animata, sic
spiritus sanctus est res animata, & sic cum res divina sit, etiam persona,
sed referri debet ad externam speciem & modum, idque non ipsius rei,
sed descensus illius. Idque idem de loco etiam Luc: 3. sentiendum est.
Nam si dicere voluisset Lucas, spiritum sanctum in forma columbae ap-
paruisse, certè non *tanquam columba*, sed, *tanquam columbae* dixisset.
Vnde appareat voculam *tanquam*, seu, ut Vulgata habet editio, *sicut*, vo-
ci columbae junctam, tum ad verbum *descendere*, vel participium *de-
scendentem*, referendam esse, tum etiam columbini descensus, non au-
tem columbini corporis similitudinem declarare. Verisimile enim a-
lioquin etiam est, istam corpoream speciem seu formam (in Graeco est
εἰς Θό) in qua spiritus sanctus in Christum descendit, non vulgarem
fuisse, & in qua nihil divini necessariò conspicere tur, qualis est forma
columbae, sed planè singularem & miraculè plenam. Denique si con-
cedatur, spiritum sanctum descendisse in forma columbae, num pro-*

*Quid sit, spiritus
descendit sicut
columba.*

pterca vel spiritus sanctus erit columba, vel columba persona? Apag-
istas conjecturas frigidas.

Sed rigidius nos aggreditur Graverus, sic enim ait thesi 37, & 38.
*Expediant itaque se hic Photiniiani, quod nimis spiritus sanctus non so-
lum dicitur spiritus Patris, Matth:10. v:20. Rom:8. v:11. sed etiam spiri-
tus Christi Gal:4. v:6. Rom:8. v:9. imo in Prophetis Christi spiritus fu-
isse dicitur 1. Pet:1. v:11. Et tamen eum spiritus Patris & Filii concedere
nolunt.*

Thesis 38. est, *Si spiritus sanctus nihil aliud est, quam virtus & effi-
cacia Dei Patris, & de ipsa essentia Patris, ut adversarii in locis iam sa-
piens citatis, volunt, ac spiritus sanctus etiam Christi spiritus dicitur, sequi-
tur necessariò, quod etiam efficacia & Virtus Dei Patris sit efficacia &
virtus Christi, & per consequens etiam essentia Dei Patris sit essentia Fi-
lli, siquidem proprietas Dei essentialis est ipsa essentia Dei, & posita pro-
prietate rei, ponitur res ipsa. Ex quibus syllogismum tales format
thesi 39. conceptum. Syllogismus hic erit: Cuicunque tribuitur spiritus
sanctus, eidem tribuitur virtus & efficacia Dei Patris: quia iuxta adver-
sarios spiritus sanctus nihil aliud est, quam virtus & efficacia Dei Patris.
Atqui Christo tribuitur spiritus, Ergo & virtus & efficacia Dei Patris.
Et iterum thesi 40. Rursus: Cuicunque tribuitur virtus & efficacia Dei
Patris, eidem etiam essentia Dei Patris, ob causam thesi 38, allatam, Atqui
Christo tribuitur virtus & efficacia Dei Patris. Ergo etiam essentia Dei
Patris. & 41. Porro: Cui tribuitur essentia Dei Patris, is etiam est unus
idemque Deus cum Patre. Christo tribuitur essentia Dei Patris. Ergo est
onus idemque Deus cum Patre. Vide conatum Graveri lector, sed &
a proposito alienum, & valde infirmum. Cuperat enim de spiritu san-
cto, nunc desinit in Christo Iesu, quem eum spiritus Patris esse conatur o-
stendere. Sed rem videamus: Fatemur spiritum sanctum dici & Patris
& Filii, sed eodem prorsus modo spiritum sanctum Filii esse dici, quo
Patris, hinc nullo modo interfertur, & est insignis figuræ dictioñis falla-*

*Cur spiritus sanctus Dei enim Patris est spiritus sanctus, quia ab illo naturaliter proce-
dus Dei & Christi spiritus dia-
ctus vel proficitur. Christi vero dici potest, vel quia Christus eo pre-
dictus fuerit, vel quia de ipso testatus sit, vel denique quia ipse etiam e-
undem det & largiatur, datum scilicet sibi & concessum a Patre. Exal-
tatus enim Christus, & accepta promissione Patris, effudit illum in A-
postolos: & tempus erat, cum spiritus sanctus non daretur, Quia Iesus
non dum esset glorificatus. Quod de Deo Patre non sine blasphemia
dici aut cogitari potest. Is enim natura suâ & a seipso semper habuit
potestatem largiendi spiritum sanctum. Vnde, eum spiritus Patris & Filii,
ex eo, quod spiritus sanctus sit & Patris & Filii, concludi nullam posse,*

puto ipsa

Aet: 2. 33.

Loh: 7. 39.

puto ipsa meridiana luce clarius esse. Syllogismos videamus etiam.
Primum concedimus. Nempe Christo tribui virtutem & efficaciam
Dei Patris. Secundi majorem negamus: quæ est, Cuicunque tribuitur vir-
tus & efficacia Dei Patris, eidem etiam essentia Dei Patris. Causam thesi
38. allatam affert pro probatione Graverus, ea est: *Quia proprietas es-
sentialis est ipsa essentia Dei, & posita proprietate ponitur res ipsa.* Hanc
collimus distinctione. Duplici enim modo ea, quæ Dei sunt, considera-
ri possunt, vel quatenus naturalia & essentialia Deo sunt, vel quatenus
extra Deum sunt, & quasi emanarunt ex illis Dei naturalibus & essen-
tialibus. Priori modo tribui nemini possunt. Ut enim essentia Dei
numero una est, & cum nemine communicatur, sic etiam essentiales
proprietates. Posteriori verò aliis etiam tribui posse, vel hinc apparet,
quod non minus Dei proprietas essentialis sit, sapientia, beatitas, im-
mortalitas, & tamen ea cum aliis communicata & communicanda esse
extra communicationem essentiae nemo dubitare potest, nec dubitat.

*Quæ Dei sunt, du-
plici modo con-
siderari possunt,*

Iterum nostram affert exceptionem & ad eam suam responsonem
thesi 42. dum ait. Sed excipiunt Photiniani: *Spiritum sanctum dici Spi-
ritum Christi ratione missionis.* Rectè: at non tantum: si enim æqualis Deo
Patri Christus non est per omnia, ius mittendi spiritum sanctum non ha-
buit, siquidem minor potestatem mittendi maiorem non habet. Et quia
mittit spiritum sanctum Christus, sequitur etiam, quod æquè sit ipsius
spiritus atque Patris. Si igitur est virtus & efficacia Patris. Ergo etiam
Filii, quod tamen illi nolunt. Sed nec exceptionem nostram bene expri-
mit; nec responsonem firmam affert. Nos enim dicimus, spiritum S. exceptiones co-
Christi spiritum appellari; vel quia Christus illo prædictus fuerit, vel *Graverus maledicit*
quia de Christo testatus sit, vel quia Christo a Patre datus & postea quā
ei datus fuit, missus ab illo fuerit. Vnde constat, non eadem prorsus ra-
tione dici spiritum Christi, quā patris. Hi enim omnes modi Deo patri
minime competunt. Responsio verò Graveri quām infirma sit, per-
pende lector. Rectè ait, at non tantum &c. Si spiritus sanctus ideo Chri-
sti est, quia Christus eum habuit & quia eum Christus a Patre accepit &
deinde misit; quomodo æquè erit spiritus sanctus Christi ut patris?
quomodo hinc òuorɔia eorundem constabit? Non est autem necesse,
cum per omnia Deo patri æqualem esse, nempe quoad essentiam eti-
am; qui potestatem spiritum sanctum mittendi habeat. Cum enim es-
senta Dei numero una sit, nemo in ea Deo æqualis esse potest, & æqua-
litatis in essentia, & unitas numero essentiae, contradictoria sunt: Sed satis
est æqualem esse Deo, certo modo, illum qui spiritus sancti potestatem
habeat, præsertim si consideretur, quod supra dictum est, spiritum san-
ctum considerari posse non tantum, quatenus est in Deo naturaliter,
sed qua-

*exceptiones co-
epit.*

*Graveri infira-
ma responso.*

*Æqualitas cum
Deo in essentia
& unitas essentiae
contradictoria
sunt.*

Sed quatenus extra Deum est, qui illum vel de illo, pro libitu suo communicare cum aliis potest, ut alias suas proprietates vel de aliis suis proprietatibus; Turpissima autem est ista illatio Graveri, dum ait: *Si igitur est virtus & efficacia patris, Ergo etiam Filii, quod tamen isti nolunt.* Non enim nisi per calumniam dici potest, nos nolle, Spiritum sanctum esse virtutem & efficaciam Filii, Non negamus esse virtutem & efficaciam Filii Spiritum sanctum, sed negamus, prorsus eodem modo Spiritum sanctum esse virtutem & efficaciam Filii, quo est Patris, ob causas paulò ante allatas.

Sentiens Graverus se a re & quæstione proposita nimis digressum esse, reverti se ad principalem quæstionem, & Spiritum sanctum ut personam subsistente distingui a patre, clarissime ait thesi 43. testari verba Ioh. 14. v. 16. *Ego rogado Patrem, & alium ὥρπαλν dabit vobis.* Ioh. 15. v. 26. *Cum venerit advocatus ille, quem ego mittam vobis a patre (Spiritus ille veritatis, qui procedit a patre) ille testabitur de me.* Hinc quia Spiritus sanctus, ut aliis & quidem ut paracletus, a patre & filio distinguitur, & quia a patre procedere dicitur, & ut tertius expresse distinguitur a patre (sic habet Graverus, quasi scilicet tertius ab uno distinguiri possit) non proprietatem eum Dei essentiale, sed personam distinctam esse infert, & tandem his præmissis syllogismum addit thesi 47. quem in iunctum esse ad marginem addit: *Quicunque ut persona subsistens & a patre distincta non est creatura, is est Deus creator. Atqui Spiritus sanctus ut persona subsistens & a Patre distincta non est creatura, ut hactenus ostensum.* Ergo Spiritus sanctus est Deus creator. thesi 48. Rursum: *cuicunque ceu personæ tribuuntur ea, quæ soli Deo sunt propria ille est eternus Deus.* Spiritus sancto ceu personæ tribuuntur ea, quæ soli Deo sunt propria. Ergo Spiritus sanctus est Deus. thesi 49. Major propositio nulla instantia everti potest. Minor patet ex præcedentibus. Nam Spiritui sancto tribuī ea in sacris literis, quæ soli Deo sunt propria, ipsi aduersarii largiuntur. Tribui autem Spiritui sancto ceu personæ & quidem a patre distinctæ, paulo ante demonstravimus. In quibus quantum roboris sit, videamus, Spiritum sanctum consolatorem & alium a Christo consolatorem appellari & a patre procedere, & ut tertium quid considerari, concedere possumus, sed id tamen non evincit eum esse personam, nempe divinam; posse enim de re, per Metonymiam, vel prosopopœiam id dici, quod de persona, nemo est qui nesciat: Nonne enim David dicit: *Virga tua & pedum tuum ipsa me consolata sunt.* Quod vero confortatur, quomodo non possit dici consolator? Vox porrò *alius* non ad denotandam aliam personam, sed aliud quid, quod Apostolis ad futurū loco Christi erat, addita est; quâ, licet figuratâ, multo rectius & eleganter id.

Psal. 23.

Spiritus sanctus
consolator im-
propriæ.
Cur alius conso-
lator dicitur Spi-
ritus sanctus.

tius id, quod res est, exprimitur. Hoc modo loquendi, posset pater a filiis suis parum res suas curantibus, discessurus, dicere illis, fore ut, nisi res suas curent, alius Magister veniat, paupertas scilicet, qui eos sit docturus, quomodo se gerere debeant. Et hoc pertinet etiam illud, quod thesi 4³, pro obseruatione quorundam addidit Graverus, quod loco Spiritus sancti quæ vox Neutrius generis est, ponitur ἐνεψυχος Masculinū, unde colligat isti hic personam denominari. Eadem enim sermonis figurā, quæ Spiritus sanctus, alius dici potest, per nomen etiam masculinū describi potest. Vox verò procedendi vel emanandi tantum abest, ut personam arguat, ut potius contrarium inde colligatur. Non enim persona a persona naturaliter perpetuo & indesine inter aut etiam sœpe aut subinde procedere seu emanare potest, qualem certum est processionem istam Spiritus sancti a patre esse, id quod etiam indicat verbum ipsum præsentis temporis, procedit: sed res a personis ratione ista emanant, ut habetur Matth. 7.v.15. ubi idem est verbum quod in loco isto Iohan. Quod ad locum i Joh. 5. attinet, mirum est illum a Gravero adductum fuisse, cum in Lutheri Bibliis prorsus sit omisssus, & aliunde constet eum corruptum esse. Sed quid non jubet desperatio? Anticipitem captat gladium, qui mergitur undis. Iam verò admissio isto loco, quomodo videre non potuit Graverus, ibidem de aqua sanguine & spiritu etiam dici & hi tres, & ita introduci, ac si sit primus, secundus, tertius, cum tamen ne unum istorum persona sit. Ita sunt dissolutæ præmissæ. Iam v. Syllogismus iste invictus sponte sua concedat necesse est. Minorem enim quæ maxime nititur, quæ est: *Spiritus sanctus ut persona subsistens non est creatura: & spiritui sancto ceu persona tribuuntur ea quæ soli Deo sunt propria*, veram esse nec hactenus ostensum est, nec ostendi unquam poterit. Atque ita finis est probationum Graveri.

Nunc nostras obiectiones diluendas sumit, i. est quæ thesi 5. continetur, *Spiritus sanctus est in Deo naturaliter*. Ergo non est persona. Antecedens probatur, eo, quod Paulus ita Spiritum Dei in Deo esse ait, ut est spiritus hominis in homine. Spiritus autem hominis in homine est naturaliter. Ratio consequentia est, *Quia persona in persona esset naturaliter idque non reciproce, nec enim ita Deus in Spiritu sancto esse dici potest, quemadmodum spiritus in Deo est*. Responsio Graveri est thesi 5². *Partim elenchus cause, partim petitionis principii, partim διωρυγίας*. Quæ ratio consequentia? *Spiritus sanctus est naturaliter in Deo*. Ergo non est persona? Tres nominat fallacias Graverus, quomodo verò a nobis committantur in argumento, ostendere neglexit, quā recte judicent lectores. Refutationem argumenti nostri videamus, quæ habetur thesi 5³. Dices: *Persona non est naturaliter in persona*. Re-

*Cur Spiritus sanctus per vocem
describatur.*

*Personam non pro-
cedit vel emanat
ab aliquo.*

De loco i Joh. 5.

spondeo principium petis, Pater naturaliter est in Christo, & Christus in Patre, ut in prioribus disputationibus ostensum. Confundunt aduersarii personas creatas cum increatis: illarum hæc est conditio, ut una in alterâ naturaliter esse nequeat: harum verò, non, quia una numero est essentia infinita trium personarum, ideoque una in altera naturaliter esse potest. Egregia sanè refutandi obiectiones ratio. Ei, qui rationibus hisque talibus, quas semper alicui, quod vocant, principio superstruit, agit, objicere petitionem principii, quid verò le fiat, non considerare. Si

Qui rationes firmas assert, principium non petit

persona in persona non est naturaliter, quod in creatis rebus concedit Graverus, quomodo is principium petit, qui ex eo probat, spiritum sanctum non esse personam, quia in Deo, qui persona est, extra omnē controversiam, sit naturaliter. At aliter se habent res increatae & creatae, dicet Graverus. Esto, non tamen petit principium is, qui a rebus creatis argumentum sumit ad increatas, et si fortasse tandem fieri posset, ut ea in re erret. Sed præterea quid ineptius est, quām si quis verum esse neget in rebus increatis, quod verum est in creatis. Ergò alia est natura personæ divinæ, alia humanæ, & non tam est essentia individua intelligens, & ut alii addunt, non sustentata in alia, divina persona, quām humana? O miserabilem Graveri Theologiam. Dum verò ait, patrē naturaliter in Christo esse & Christum in patre, idque idē, quod una

Graverus principium petit.

numero est essentia infinita trium personarum, videat ipsem Graverus, an non turpissimè principium petat, Christum in patre & patrē in Christo esse naturaliter, vel personam patris in Christo, & Christi personam in patre esse, craessa est ignorantia: Vnam verò numero essentiam esse trium personarum, contradictionē etiam implicat. Quod enim tribus commune est, unum numero esse nequit, & vice versa. Et tamen hæc pro solutione argumenti nostri asserre Graverus non dubitavit. Quid verò sit Christum in patre & patrem in Christo esse, ex iis sacris locis intelligi potest quibus Deus in fidelibus & fideles in Deo esse dicitur. Quia scilicet Deus spiritu & favore suo hominibus adsit, & homines cum illo conjuncti sint, ut diserte etiam loquitur D. Ioh. dum sic ait: *Et servans mandata ejus, in illo manet, & ipse in eo manet, & in hoc scimus, quod manet in nobis, de spiritu, quem dedit nobis.*

Similis est huic & altera responsio, quæ habetur thesi 54. Spiritum sanctum autem non esse ipsum Deum, propterea quod est spiritus Dei, non sequitur: nam sicuti Christus est Filius Dei, & tamen ipse Deus, ita etiam spiritus sanctus Dei spiritus dici potest, & tamen ipse Deus: nam vocabulum Deus, aliquando sumitur όντως, aliquando όποστιν. Quid principium petere si hoc non est? Nos negamus & argumentis haecenus validissimis demonstramus, Christum non esse illum unum Deum, &

Graverus craessa principium petit.

um, & tamen nobis respondet Graverus, Christum etiam si Dei sit, esse tamen ipsum Deum, & ita Spiritum etiam sanctum, etiam si Dei spiritus sit, tamen esse ipsum Deum. Ergo potest aliquis esse sui ipsius filius, & suu ipsius spiritus? Ista verò vocabuli Dei, jam ὁ θεός jam ὁ πνεῦμα acceptio, nonné commentum est humanum, quod nisi demonstretur prius ex sacris literis, sola negatione jure rejici potest?

Ad locum i Cor. 2. respondet etiam thesi 55. Alia verò, inquit, est ratio, cum spiritus hominis dicitur esse, & tamen non ipse homo. Comparatio namque ulterius se non extendit, quam quatenus spiritus hominis naturaliter non est extra hominem, & quatenus novit ea, quae sunt hominis. Si quis ulterius userit comparationem illam Paulinam i Cor. 2. v. 11. Omne simile etiam dissimile esse dicemus. Omne simile dissimile etiam esse posse, libenter confitemur, sed tamen nisi aliqua in re sit simile, similis nomen tueri nequit. Et satis habemus ad obtainendum quod volumus, quod ipse Graverus ait, comparationem in eo esse, quod spiritus hominis naturaliter non sit extra hominem. Hinc enim inferimus. Ergo etiam Spiritus Dei naturaliter non est extra Deum, sed in Deo. Si verò Spiritus sanctus non est extra Deum, ita ut non est extra hominem spiritus illius sequitur Spiritum Dei non esse personam, quemadmodum spiritus hominis persona non est.

2. Obiectio nostrorum est. *Spiritus sanctus est donum Dei, Deus autem donum Dei non est, alias quempiam se superiorem haberet, cuius donum esset.* Responsonem Graverus ad sextam questionem differt. Ergo & nos illius examinationem.

3. Obiectio nostrorum est. *Vna tantum est persona divinitatis. Nempe pater.* Ergò spiritus sanctus non est persona divinitatis. Responsio Graveri est, thesi 58. Antecedens ut falsissimum negamus. Petunt itaque aduersarii principium in hac ratione. *Quod unam essentiam in tribus realiter distinctis personis esse non posse objiciunt, superioribus disputationibus dispulimus.* Principium non petimus. Nam rationibus & testimoniis verum esse docemus, unam tantum personam divinitatis esse. Quia scilicet tantum una sit numero essentia divina. Multiplicatis autem personis, essentiam etiam multiplicari necesse esse, cum una quæque persona divina, sit essentia divina individua intelligens. Quòd vero remittimur ad alias Graveri disputationes nos etiam ad alias ea de re disputationes nostras eundem relegamus.

4. Obiectio nostra est, thesi 59. *Tribuuntur ea Spiritui sancto quæ persone tribui nequeunt, veluti, quod detur & de ipso detur, idque secundum mensuram vel absque mensurā, quod effundatur, & quod de ipso effundatur, quod homines ipso potentur, quod augeatur, duplex detur, quod in partes divi-*

is dividatur, quod accipiatur de ipso accipiatur, quod quandoque non sit, & quod extinguitur. Responsio Graveri est. Optime haec personæ tribui possunt, non quidem propriæ; sed per metalepsin cause pro effectu: ratione donorum namque haec Spiritui sancto tribuuntur, quatenus ea in hominibus operatur. Sed nihil respondeat Graverus. Nullus enim loquendi modus, nulla figura patitur, ut de persona prædicetur, quod rei tantum convenit: patiuntur autem loquendi modi figurati, ut id de re prædiceatur, quod persona est proprium, Nimirū vel Metonymia vel prosopopœia, quam utramque frequenter admodum in sacris literis occurrit, quis nescit? Addit denique & hoc thesi 61. Quod si aduersarii admittere voluerint, ex plerisque dictis, nec Spiritum sanctum Dei virtutem & efficaciam esse contra ipsos facillime probabo. Sed jam ad hoc responsum est supra, dum docuimus, virtutem & efficaciam Dei, quatenus est essentialis in Deo, non dari, sed ex illa effectus varios producia Deo, & in homines effundi pro divina voluntate.

Quæstio secunda, quæ est: *An spiritus sanctus tam a Filio quam a Patre procedat*, quanti sit momenti vel hinc iterum apparere potest, quod sponte sua Graverus fatetur, thesi 3., id ēnītōs in sacris literis non legi. Sed nec per bonam consequentiam id probari posse certum est. Nam spiritus sanctus alia de causa, vel aliis de causis spiritus filii dici potest, quam quod ab eo procedat, quas suprà etiam annotavimus, vel quia de Christo testatus sit in prophetis, licet illis a Deo datus esset, vel quia Christus illo etiam prædictus fuerit, vel denique quod Christus eum largiendi potestatem habeat. Posse autem aliquem largiendi spiritum sanctum (quod est mittere spiritum sanctum) potestatem habere, a quo tamen non procedat eo modo, quo a Patre procedit, comprobat & ratio, & ipsa sacra scriptura, quæ Christum accepisse promissionem spiritus, & effudisse eum testatur. De Græcorum cum Romanis, & qui hac in parte cum illis faciunt, circa hanc rem controversia, non est quod dicamus, ut ut enim rectius sentiat Græci, quam alii, hac in re, sunt tamen ita aliis intricati erroribus circa Christi personam, qui vix permittant, ut quod rectè sentiunt, rectè etiam defendere queant: & rationes quas affert adversus eos Graverus, satis docent, quod nisi in quibusdam erroneis conveniret illi cum Græcis, non habiturus fuisset, quo illos confutaret.

Tertia quæstio ridicula est. *An scilicet spiritus sanctus mittat Filium.* Nam & Græci, ex eo, quod nusquam extat, colligunt, spiritum sanctum a Filio non procedere: missio enim illa apud Esaiam, Domino non spiritui tribuenda est: & Graverus id, quod falsum est, quod scilicet spiritus sanctus Christum miserit, concedit, ut quomodo alterum errorem,

errorem, qui est, quod *Spiritus sanctus sit major Christo*, defendat, habeat: & denique errore uno alterum tuetur. Tam enim verum est id, quod ratione carnis assumta factum esse ait, quām verum est, spiritum sanctum aliquem in misisse. Ita fit, dum ab Evangelio semel aberratur.

Similis tertia, quarta est quæstio: *An rectè dicatur spiritum sanctum procedere a Patre per Filium*. Vbi enim semel erratur, ad sæpius errandum præcipitum est. Sententiam dixit Graverus, nos etiam nostram dicemus. Procedit spiritus sanctus a Patre, quatenus ab eo tanquam a sua origine manat perpetuo & indesinenter. Procedit etiam a Christo, quatenus is potestate eum largiendi habet. Procedit etiam a Patre per Christum, quatenus Pater nemini cum, qui a Patre originem habet, largitur, nisi per Christum. Ut enim Deus Pater est ex quo omnia, sic etiam Christus est, per quem omnia, adeoq; etiam spiritus ipse sanctus. Ita circa quæstiones ægrotare oportet eos, qui semel salutarem doctrinam deseruerunt.

Quinta porrò quæstio, quæ est: *Vtrum Pater & Filius sint unum principium, an verò duo principia spiritus sancti*; quām sit futile, ex iis, quæ hactenus diximus, & ex eo etiam, quod ad eam decidendam assumpsit Graverus, apparere potest. *Patrem & Filium*, ait, esse unum spirato-rem, propter unitatem virtutis spirativæ, quæ eadem est numero in utroque. Et hoc iterum sic probat: *Sicut etiam non tres sunt omnipotentes, nec tres Dii, licet in tribus sit omnipotentia & Deitas, quia est numero eadem omnipotentia & Deitas*. Oblecent se contradictionibus, qui simplicem veritatis orationem aversantur.

Quæstio sexta est. *Vtrum spiritus sanctus rectè dici possit Donum, nempe Dei?* Hic Graverus ait rationem Ostorodi, quam suprà quæstione i. ascripsimus, nullius esse ponderis. Nam eadem facilitate contra Ostorodum se conclusum, spiritum sanctum non esse virtutem & efficaciam Dei, quia & illa dantem aliquem superiorē non habeat, cum sit ipsa essentia Dei, & addit, Nihilominus Ostorodus fatetur, spiritum sanctum quem Deus filiis suis largitur esse de natura & essentia Dei. Sed vitiosè concludit Graverus, spiritum sanctum non esse virtutem Dei, cum enim dicimus spiritum sanctum dari, non intelligimus dari, ipsam Dei essentiale virtutem, quam essentiam Dei nominat Graverus, sed ex illa virtute essentiali aliquid prodire, divino modo, credimus, quod cum hominibus communicatur, & ita etiam superior est is, qui dat illam virtutem & efficaciam, eo quod datur, que inadmodum is, qui donum dat, superior est ipso dono. Hoc ita expedito, pandit nobis mysterium Graverus thesi 3. dum sic ait: *Sciendum itaque, variis modis aliquid dici alicujus esse: aliquando dicitur esse per modum identitatis, & sic*

tis, & sic donum non distinguitur a dante (vide Thomam p. 1. quest. 38. art. 1.) sed ab eo, cui datur, & sic spiritus sanctus dat se, sic legimus 1. Timoth. 2. v. 6. quod Christus semetipsum dederit pro nobis: & nihilominus

Graverus ter- Rom. 8. v. 32. Iohann. 3. v. 16. dicitur, quod Pater Filium dederit. Sed pri-
mitios mutat. mnum termini mutantur. Non enim nunc id queritur, quomodo ali-
quid alicujus esse dicatur; & an id, quod alicujus esse dicitur, sit ille ipse,
cujus esse dicitur, sed an donum alicujus possit idem esse quod is cu-
jus est donum, hoc in quaestione versatur. Vnde constat, modum istum
identitatis frustra huc allatum esse. Potest enim fieri, ut id quod alicujus
est, dicatur esse is ipse, cuius est. Ut spiritus sanctus suo modo Deus
esse idem dici potest, cuius est Deus. At id, quod donum alicujus est, il-
lum ipsum esse, cuius donum est, nullus loquendi modus admittit. Ita-
que absurdissimum & seipsum destruens censendum est, spiritum san-
ctum dare seipsum, maximè cum non constat, eum esse personam. Re-
ctè autem habet, quod ad istas nugas afferendas nullum ex Apostolo a-
liquo, sed ex Thoma citaverit locum Graverus. Ergo Thomæ scho-
lastico Theologo tantum tribuendum est, ut quod ratio & sacræ literæ
falsum esse docent, pro vero censeantur? Christum verò & semetipsum
dedit, & datum esse a Patre, quid huc pertinet, nisi constet, spiritum
sanctum & quæ esse personam, ut est Christus? Quanquam non de pro-
pria datione, qua scilicet aliquid alicui alii datur, & alius id a dante ac-
cipit, sermo est, cum de Christo dicitur, quod seipsum dederit, sed de
datione in mortem, additur enim, qui dedit semetipsum precium redem-
tionis pro omnibus, quæ verba non sine dolo omisit Graverus, quod i-
dem etiam de loco Ioh. 3. ubi Deus Christum dedit, legitur. Ratio e-
nī ibi redditur, quare filium hominis ita exaltari oportuerit, ut ser-
pentem Moses exaltaverat; quod de morte Christi intelligendum esse
omnes fatentur. Rom. verò 8. 32. non dandi, sed tradendi vox est, quæ
magis etiam, id quod nunc dicimus, confirmat. Dari, aut tradi Chri-
stus potuit, & etiam datus est, licet nemini datus sit, nec quisquam e-
um acceperit.

Præterea ait thesi 4. Denique cum spiritus sanctus donum Dei dici-
tur, potissimum de salutaribus & sanctificantibus effectibus sermo est, ubi
etiam ambiguitas vocabuli Deus, notanda est, quod quandoque essentia-
liter, quandoque verò personaliter accipitur. Huc scilicet recurrentum
est, quando non datur aliò. At nos spiritum sanctum nullum dari affir-
mamus, qui non sit donum divinum, & qui aliud affirmat, is principi-
um petit. Quemadmodum etiam ille, qui vocem Deus, quandoque es-
sentialiter, quandoq; personaliter accipi pronūciat, ut supra docuimus.

Quæstio septima: Vtrum spiritus sanctus sit major Christo? Ita a
Gravero

Gravero deciditur, ut ipsius fert Theologia, spiritum sanctum maiorem esse ait Christo, sed quoad humanam naturam, quomodo etiam Pater major est Christo. Sed hoc totum in errore fundatur, ut enim duæ naturæ in Christo commentum sunt, ita quicquid eorum respectu dicitur, non nisi error esse potest. Pater vero Christo, quantus quantus est, major est. Nam Christus totus ab illo dependet, omnia ab illo habet, & eidem etiam tandem regnum suum redditurus est. Spiritum sanctum quatenus datur majorem esse Christo homine, dici non potest, nisi constet spiritum sanctum personam divinam esse, quod falsissimum esse ex iis, que hactenus dicta sunt, similiter constat. Itaque quæ de peccato in filium hominis & blasphemia in spiritum sanctum dissegit Graverus, vera quidem sunt, sed causam ejus nihil prorsus juvant, immo pessundant. Quemadmodum enim ex eo, quod peccatum in Patrem commissum remittitur, blasphemia autem spiritus sancti non remittitur, concludi nequit, Patrem esse minorem spiritu sancto: sic nec ex illo, quod peccatum in Filium commissum remittitur, blasphemia autem spiritus sancti non remittitur, concludi potest, Filium esse minorem ullo modo spiritu sancto.

Quæstiō octava est. An spiritus sanctus conceptionis Christi fuerit autor? Hic ad Socini verba, qui semel ait, id, quod Christus ex Spiritu sancto conceptus fuerit, non ostendere, spiritum sanctum ejus conceptionis fuisse autorem, sed instrumentum, seu instrumentalem causam tantum. Et nihil vetare, quominus opus aliquod sit longè præstantius, quam instrumentum, quo factum fuit, imò rād aliter accidere; & alibi, refutaturus argumentum pontificiorum, qui, si Christus ob conceptionē sit filius Dei, quod nos affirmamus, dicunt, hac ratione Christū fore spiritus S. filium, ait, hanc rationem nihil valere, cum spiritus S. non sit persona, sed tantum virtus & efficacia Dei, adē ut idem sit spiritus sancti operā aliquid esse factum, quod virtutis & efficaciat Dei operā, ad hæc, inquam verba Socini cui etiam impietatem propterea Graverum objicere non puduit, concilianda, Graverus ait, non Davo sed Oedypo opus esse. Quid si nec Oedypo nec Davo opus sit, sed homine rerum Theologicarum mediocriter perito? Nam ut non ariolo, sic etiam nec stupido ad res divinas intelligendas opus est. Quid vero hic est vel per speciem repugnantiae, ut conciliatione aliqua opus sit? Dicitur semel, spiritum sanctum esse causam tantum instrumentalem conceptionis Christi, & iterum, dicitur spiritum sanctum esse virtutem & efficaciam Dei. An parum constat, virtutem & efficaciam Dei, posse esse causam instrumentalem alicujus operis? At ait Graverus: si spiritus sanctus quando de Christi conceptione agitur, nibil aliud est, quæ
vinuis G

virtus & efficacia Dei, non video, quomodo verum esse queat, quod Spiritus sanctus tantum sit instrumentum & instrumentalis causa conceptionis Christi, non video, quomodo Spiritus sanctus minor esse queat Christo, quin simul statuatur, Deum patrem etiam esse causam instrumentalem duntaxat conceptionis Christi. Imò quod pater ipse Christo sit minor, quod utrumque absurdum. Absurdum quidem hoc utrumque est, quod hic ascripsit Graverus, sed quomodo id ex eo, quod Socinus affirmit, consequatur, ostendendum erat, nec dicendum tantum, *Non video, non video.* Potest enim certè Spiritus sanctus causa instrumentalis conceptionis Christi dici, & ita minor esse Christo, nec tamen ullo modo hinc sequitur, patrem etiam causam fore instrumentalem conceptionis Christi, vel Christo minorem. Pater enim est, qui virtute sua pro libitu uititur, ita, ut ipse semper sit causa efficiens principalis, Virtus autem illius sit instrumentum illius.

At absurdum esse ait thesis. Graverus, *Deum per suas proprietates essentiales, & per virtutem seu efficaciam suam agere, tanquam per causam instrumentalem. Virtus enim & potentia Dei nihil aliud sunt, quam essentia Dei.* Sed jam hoc antea dissolutum est. Quia scilicet possunt ea, quæ Dei sunt naturaliter, & ita essentia ejus, vel potius de essentia illius sunt, alio etiam modo considerari, ut ab illo emanatia, & ita suo modo ab illius essentia separata. Quo sensu dicitur, Deum, potentia sua, tanquam instrumento usum esse in creatione mundi, in liberatione populi ex Ægypto, in resuscitando Christo ex mortuis. Quatenus igitur naturalis est & essentialis Dei potentia, eatenus non ut instrumento è Deus utitur. Quatenus verò extra Deum, vel a Deo emanans, consideratur, loco instrumenti haberi potest, & debet.

In quæstione nona quæ est: *An fides donum sit spiritus sancti, impietatem nobis Graverus obicit, propterea quod Ostorodus id negare ipsi videatur, his verbis. Fides semper precedit Spiritum sanctum & Spiritus sanctus per fidem accipitur.* Sed male intellecta verba Ostorodi hunc stomachum concitârunt Gravero. Non enim simpliciter id Ostorodus affirmat, sed diserte addit, falsū esse, fidem esse donum Spiritus sancti, eo modo quo Tradelius illud intelligit quæ verba satis indicant, illum concedere, fidem esse donum Spiritus sancti, alio scilicet modo, quem, quoniam non ita disertè ibidem ab Ostorodo expositus est, hic paucis exponam. Duplex potissimum Spiritus sancti in literis sacris, præsertim verò novi Fæderis significatio est. Prior est, cum favorem & gratiam divinam communem notat. Posterior, cum singularem quandam. Gratia & favor divinus communis, est ille, qui omnibus contingit, ad quorum aures Evangelium pervenit. Singularis est ille, qui

fol. 203. Disp.
cont. Tradcl.


Duplex Spiritus
S. in N. F. signifi-
catio.

le, qui iis contingit, qui Evangelio obediunt. Ille Spiritus sanctus revelationis, hic confirmationis appellari potest. Sine illo fides nemini datur immo ipsum Evangelium est iste Spiritus Dei. Hinc illi qui Evangelium prædicat spiritus Ministri dicuntur, & ipsum etiam Evangelium Spiritus appellatur: Hic vero iis tantum, qui jam crediderunt pro pre-mio ipsorum obedientia in hoc seculo donatur, & arrhabo hereditatis nostræ appellatur, vel sigillum, quo obsignantur fideles ad vitam æternam. Vnde videre est, quo sensu dici possit, Fidem esse donum Spiritus sancti, quatenus scilicet nemini datur fides, sine Evangelii prædicatione: quod pertinent verba a Gravero citata, *Nemo potest dicere Iesum Dominum nisi in spiritu sancto;* & quomodo iterum negari possit, esse donum Spiritus sancti, quatenus scilicet datur absque illo spiritu confirmationis. Et haec quidem omnibus piis satisfactura putamus.

Quæstio decima est. *Vtrum semel regenerati possint amittere spiritum sanctum.* Hic quidem cum Gravero idem sentimus: sed tamen exempla, quæ afferuntur, ad rem parum facere credimus. Nam regeneratione novi Fæderis propria est. David autem sub veteri Fædere fuit Petrus etiam eo tempore Christum abnegavit, quo regeneratione nondum revera cæperat, deficientibus scilicet, causis illius efficientibus propriis. Quæ sunt Christi mors, & exaltatio. Loci vero Heb. 6. & 10. illud quod in quæstione est, manifestissime demonstrant & alia tum loca tum exempla sacrarum literarum. Præterea miramur, Graveturum regeneratos ab electis distinguere, dum ait Regeneratos (non electos) finaliter spiritum sanctum amittere, & gratia Dei excidere posse. Quasi scilicet non sint convertibilia & idem prorsus significantia Regeneratus & Electum esse, & quasi detur regeneratus, qui non sit electus. Sentendum autem est, electos etiam posse cessare esse electos, & ita Spiritum sanctum amittere. Non potest quidem electus, quatenus electus est seduci, sed potest is, quimodo electus est, mutari, & deinde seduci & ita eternum perire. Quemadmodum ut loquuntur in scholis sedens, quatenus sedet, non potest ambulare; potest autem, is qui nunc sedet potest surgere & ambulare.

LAPS DEO ET CHRISTO.





XI. 6. 3.

Biblioteka Jagiellońska



std0026783

